



Qaasuitsup Kommunia



Qaasuitsup Kommuniani uuliasiornissaq

**Qaasuitsup Kommuniani innuttaasunut
paasissutissatut quppersagaq**



Qaasuitsup Kommunia

Kalaallit Nunaanni uuliasiorfissatut neriulluarnatoqarnerpaat ilaat Qaasuitsup Kommuniata avataani inissisimapput. 2010-mi misissuilluni qillerinerit siullit kommunip avataani ingerlanneqarput. Siunissami qillerinerni uuliamik nassaartoqassagaluarpat Qaasuitsup Kommunianut annertuumik sunniuteqartussaavoq.

Una paasissutisissutissatut quppersagaq suliarineqarpoq kommunimi innuttaasut suliamik matuminnga, kommunip sineriaata avataani uuliasiornermik uuliamillu qalluinermik attuumassuteqartumik, ataatsimut ilisimasaqalernissaat pillugu.

Kommunip eqqaani siunissami uuliamik qalluinerup kingunerisaanik avatangiisnut inuussutissarsiornikkullu sunniutaasinnaasut qupper-sakkami atuarneqarsinnaapput. Siunissami uuliamik qalluinermi innuttaasunut sunniutaasinnaasut pillugit pitsaannerusumik paasinnin-nissamat kommuni tunngavilersuerusuppoq, aammali ineriartornermi innuttaasut sukut sunniuteqarsinnaanersut paasisitsiniaaffigeru-sullugit.


Qaasuitsup Kommuniata avataani uulia

Imaani uuliamik misissuineq akisullunilu siviisuumik ingerlanneqar-tarpoq. Kalaallit Nunaat aalajangersimavoq kalaallit oqartussaaffiata iluani uuliamik misissuinissamat pisinnaatitaaffit ingerlatseqatigiif-finnut namminersortunut tuniniarusullugit.

Tamanna pisarpoq sumiiffinnut aalajangersimasunut pisinnaatitsis-sutinik neqeroortitsinikkut. Misissuinissamat pisinnaatitsissuteqarnik-kut imaani sumiiffimmi aalajangersimasumi ingerlatseqatigiiffik uu-liasiorsinnaatitaavoq.

Piiaanissamat pisinnaatitsissut naapertorlugu ingerlatseqatigiiffik sumiiffimmi uuliamik qalluisinnaatitaavoq. Ullumikkut nunarsuaq tamakkerlugu uuliasioqatigiit annersaasa ilaat Qaasuitsup Kommu-niata avataani Disko Westimik taaneqartumi misissuinissamat qallui-nissamullu pisinnaatitaaffimmik pisinikuuvoq kiisalu Qaasuitsup Kommuniata avannaa-tungaani (titartagaq 1) sumiiffimmi misissui-nissamat pisinnaatitaaffiit neqeroorfigineqarlutik.

Qaasuitsup Kommunia



Titartagaq 1: Qeqertarsuup Tunuata avataani sumiiffimmut Disko West-imik taaneqartartumi misissuinissamut pisinnaatitaaffinnik tuniakkanut neqeroortitsinerit pipput 2006-imi 2007-imilu.

Qaasuitsup Kommuniata avannaatungaani sumiiffiit pisinnaatitaaffiit 2010-mi misissuinissamut neqeroorfigineqarput.

Aamma nunami aatsitassanik misissuinissamut akuersissutit arlallit tuniunneqarput.

2011-mi innuttaasunik ataatsimiisitsinerit

15. marts: Ilulissat

Kulturikkut illorsuaq Sermermiut 18–22

16. marts: Aasiaat

Katersortarfik 18-22

Sunneeqataanissannut periarfissatit

Kommunii uuliaatileqatigiiffissuit ineriartornerat innuttaasuulluni paasiuminaassinnaapput. Isumaqatiginninniarnert, avatangiisit inuiaqatigiillu pillugit misissuinerit paasiuminaassinnaasarpud matoq-qasumilluunniit ingerlanneqarsinnaasarpud.

Uuliasionerup avatangiisinut inuiaqatigiinnullu sunniuteqarsinnaanera peqqutigalugu najugarisami innuttaasut, suliffeqarfiit politikkerillu uuliasionissamat sunniuteqarnissaannut ersarissunik maleruagassaliortoqarnikuvoq.

Tusarniaaneq

Innuttaasut, kommuni, kattuffiit soqutiginnittut, najugarisami suliffeqarfiit aamma peqatigiiffiit allallu tusaaneqarnissaat taamaallutillu sunniuteqarluarnissaat anguniarlugu tusarniaavigineqassappud.

Tusarniaanermut akissummi misissuinerup nalilersuinerullu allanngortinneqarnissaanut siunnersuinikkut oqaasertaliinikkulluunniit sunniuteqartoqarsinnaavoq.

Uuliamik misissuinissamat atatillugu tusarniaanermi uppersaatiit periuksit pingasut aallaaviussappud. Avatangiisinut sunniuteqarnerata nalilersorneratigut (ASN), pilersaarusiorkuakkamik avatangiisit pillugit naliliinertigut (PAN) imaluunniit inuiaqatigiittut nammasinnaasatut naliliinertigut (INN). Uppersaatiit tamarmik Namminersorlutik Oqartussat nittartagaani takuneqarsinnaasassappud. Tamatumaniitaaq tusarniaaneq ussassaarutaassaaq. Tusarniaaneq nalinginnaasumik sap. ak. sisamanik sivilissuseqartarpoq.

Innuttaasunut ataatsimiisitsineq


Innuttaasunik ataatsimiisitsineq tusarniaanerup ilagaa, tamatumaniilu kikkulluunniit imaani-suliffeqarfimmut apequteqarnissaminut periarfissaqarlutik.



Matumani suliniummud ernumassutaasinnaasut naliliinernullu isornartorsiuneq ilaatigut saqqummiunneqarsinnaappud. Imaani-suliffeqarfiit innuttaasunik ataatsimiisitsinermi suliniut, PAN aamma INN pillugit paasisitsiniutigalugit saqqummiussinissaminut periarfissaqarpud.

Uuliamik misissuinermit qalluinermut

Uuliamik misissuineq qalluinerlu sisamanik tunngaveqakkajuttarpoq: Tunngaviusumik misissuineq, sanaartorneq, tunisassiorneq sanaartukkamik ingitserineq. Tunngaviit assigiingitsut ataani titartagann-gorlugit piffissalersorneqarput.



Disko Westimi misissuinissamut pīaanissamullu pisinnaatitsissut tamarmik maannakkut tunngaviusumik misissuinermiipput.

Tunngaviusumik misissuinermi uuliamik gassimillu ujaasisoqas-saaq assersuutigalugu maligaasaliornikkut paasiniaanerit iluaquti-galugit. Aatsaalli qillerisoqarneratigut qulakkeerneqarsinnaavoq uuliaqarnerseq gasseqarnerlorluunniit, taakkualu pitsaassusaat an-nertussusaallu. Misissuilluni qillerinerit arlallit ingerlanneqareerpata uuliamik qalluinnissamut sanaartugassat qanoq imminut akilersin-naatiginersut nalilersorneqassapput.

Tunngaviusumik sanaartornermi ataatsimik amerlanerusunil-luunniit uuliamik qalluiffimmik, ruujorinik, nunami sanaartugassanik ilaalu ilanngullugit pilersitsisoqassaaq.

Disko Westimi tunisassiorfissuarmik sanaartortoqassappat 40 milliar-dit missaanni akeqassasoq nalilersorneqarsimavoq. Tassa Kalaallit Nunaanni ukiumut tunisassiat ataatsimut nalinganit pingasoriaam-mik naleqarneruvoq. Iluanaarutissatut aningaasaliineq annertoqaaq – nunarsuaq tamakkerlugu tunisassiorfissuarnik pilersitsinernut sanilliullugu aamma annertoqaaq.

Tunngaviusumik tunisassiornermi aningaasanik iluanaarniuti-galugu uuliamik qalluineq aallartittarpoq.

Sanaartukkamik ingitserineq teknikkikkut annertuumik unammil-lernartuuvoq sanaartugassallu sananeqarnerasut annertutigisinnaal-luni.

Suliffissuarmi uuliasiornermik ingerlataqartumi suliffik

Siunissami Kalaallit Nunaanni suliffissuarni uuliasiornermik ingerlataqartuni sulisut sap-inngisamik **Kalaallit Nunaanni najugaqavis-suunissaat** Namminersorlutik Oqartussanit anguniarneqarpoq.

Pingaaruteqarporli malugini-assallugu nunarsuaq tamakerlugu suliffissuit uuliasiornermik ingerlataqartut nunanit assigiinngitsuneersunik sulisoqakkajuttarmata. Suliffissuaqarfik qaf-fasissunik ilinniagaqarsimasunik **immikkorluinnaq it-tunik piginnaanilinnik** sulisoqarnissaminik piumasaqaateqarpoq.

Uuliasiornermi tunngaviusumik suliniutit assigiinngitsut aallartikkaangata najugaqarfinni sulisussarsior-tarneq atorluassagaanni pingaaruteqarpoq innuttaasut pisariaqartineqartunik piginnaasalersorneqarnissaat.

Qaasuitsup Kommuniani suliffissuarni uuliasiornermik ingerlataqartuni sulisoqarneq nukittorsarniarlugu ilinniartitaaneq sungiusarnerlu aallartinneqareerput. Kommunip misiliutitut sulinniut **imaani uuliasiornermik tunngaviusumik ilinniartitaaneq** pillugu Off-shore Center Danmark, NUNAOIL A/S, AMU Center Vest aamma Esbjerg Erhvervsråd suleqatigai.

Ilinniagaq sap. ak. aqqaneq-marluk ingerlaneranni naam-massineqarsinnaavoq. Ilinniagaqartutut peqataasut tuluttut, ikiueqqaanermut, ingerlatsisinnaanermut allagartaqarnermut isu-



Namminersorlutik Oqartussat aatsitassallu

Namminersornermut aaqqiissut naapertorlugu aatsitassarsiornermut tunngasunit tamanit isertitat Kalaallit Nunaanni Namminersorlutik Oqartussanut nakkartinneqassapput.

Aatsitassarsiornermut isertitaqarsima-gaanni aatsitassarsiorluni isertitarisimasat affaasa annertoqataanik Danmarkimiit tapiissutit millisinneqassapput tassa ukiumut 75 mio. kr. saniatigut.

Danmarkip Kalaallit Nunaannut tapiisarnera unippat Naalakkarsuisut naalagaaffiullu akornanni isumaqatigin-ninniartoqassaaq.

mannaallisaanermullu ilinniartinneqartarput taamaalillutillu suliatut akisussaaffiit arlallit suliarilersinnaalissallugit. Tamakku nunami suliaqarnermut attuumassuteqarnerussapput.

Pikkorissarusullutik soqutiginnittut amerlasimapput. Pikkorissartinneqartut ilaat ilinniarsimasuupput ilaallu ilinniarsimasuunatik. Tunngaviusumik ilinniagaqarnissamut qinnuteqartunut **tuluttoorsinnaaneq** pingaaruteqarluinnarpoq.

Qillerisartut immikkullu paasisimasallit siunissami Sisimiuni ilinniartinneqartassapput. Immikkut ilisimasaqqaarluni misilittagaqqaarlunilu uuliasiornermi suliaasat aatsaat siunissami ungasinerusumi kalaallinit qallunaanillu nunatsinni najugaqartunit tiguneqarsinnaanerart naatsorsuutigineqarpoq.

Inuiaqatigiinnut tunngasuni sunniutit

Aatsitassarsiornerup inuiaqatigiinnut pitsaanerpaamik sunniteqarnissaa qulakkeerniarlugu

inuiaqatigiittut nammassinnaasatut naliliineq (INN) suliarineqassaaq. INN atorlugu inuiaqatigiinnut pitsaaqutit ajoqutillu ersersineqassapput, assersuutigalugu misiliummik qillerinerit najugarisami innuttaasunut qanoq sunniteqarsinnaanerut. Ingerlatseqatigiiffiup INN ingerlannissaa akisussaaffigisavaa.

Uuliamik misissuineq qalluinerlu najugarisami sulif- feqarnermut ilinniarnissamullu pisariaqartitsinermut qanoq sunniteqassanersut Namminersorlutik Oqartussat misissu-

NUNAOIL A/S Namminersorlutik Oqartussanit pigineqarpoq.



Kalaallit Nunaanni uuliamut pisinnaa-titsissutit tamarmik NUNAOIL A/S-ip 8%-imiit 12,5 % tikillugu pigineqarput.

NUNAOIL A/S tunisassiorfissuarmik pi-ginneqataalersinnaavoq. Taa-maattoqassappalli suliffeqarfik pilersitsinissamut aningaasartuutinit aningaasaliisariaqarpoq.

NUNAOIL A/S pilersitseqataanissamit tunuarsinnaavoq. Kalaallit Nunaalli NUNAOIL A/S tunuarniaraluar-palluun-niit suli iluanaaruteqassaaq akileraarutit A-nit, atortitsinernit, pisinnaatitsissutinik tunisinermit akit-suutinit, suliffeqarfinnik amerliartortunit ilaalu ilanngullugit.

inerat pillugu ataani atuarneqarsinnaavoq.

Tunngaviusumik misissuineq

Uuliamik gassimillunniit paaasoqalertinnagu najugarisami sulif-feqarnermut annikitsumik taamaallaat siunniuteqartoqassaaq. 2000-imi Nuup avataa-tungaani Fyllap eqqaani misiliilluni qillerinermut atatillugu nunatsinni suliffinnut **killilimmik sunniuteqartoqarsimavoq**. Umiartortut, aqqartartut, umiarsualivimmi sulisut ingerlasussanillu pilersarusiortut aqutsisullu, akunnittarfinni neriniartarfinnilu sulisut, timmisartortartut, saqisut aamma timmisartoqarfimmi sulisut sivikitsumik piumaneqarsimapput. Misiliummik qillierineq qaammatit pingasut ingerlaneranni naammassineqarpoq. Uuliasiorluni qillerivimmi misiliummik qillerinerup nalaani nunaqavissunik sulisussarsiortoqarnissaa naatsorsuutigineqarsinnaanngilaq.

Tunngaviusumik paaaneq

Misissuinermi paasineqparat uuliamik qalluisoqarsinnaasoq aningaasatigut iluanaarutaasinnaasumik taava Kalaallit Nunaanni **sulisut 100-t 1.000-illu** akornanni **piiaaffimmi ataatsimi** sulisorineqarsinnaasut naatsorsuutigineqarsinnaavoq. Najugarisamilu 300-t misaanni pilersuinermi sulisorinissaat ilimagineqarsinnaavoq.



Tamatumani najugarisami assigiinngitsorpassuarnik suliffissanik pilersitsisoqassaaq, naak sulif-feqarfinnit immikkut itumik pisinnaasalinneq sulissanillu taamaattunik suliaqarnermik anner-tunerujussuarnik misilit-tagalinnit tunisassiornermi atortussiat amerlanersaat suliarineqartussaagaluartut.

Umiartortut, aqqartartut, saffiut, innaallagialerisut, umiarsualivimmi logistikimillu sulisut, qarasaariale-risut, akunnittarfimmi neriniartarfimmilu sulisut, ingenørir, ujarassiuut, allafimmiut, sanasut, timmi-sartortartut, saqisut, timmisartoqarfimmi sulisut, assigisaalu Kalaallit Nunaanni pisariaqartinneqarnerpaajussapput.

Tunngaviusumik ingerlatsineq

Qaasuitsup Kommunia

Aalajangersimasumik qillerisartut qilleriviup ingerlaneranut atatillugu sulisuusut saniatigut tunngaviusumik ingerlatsinermi aserfallatsaaliuiner-mut nerisaqarnermullu suliasat suliarinnittussarsiuussinermut ilaatinneqassapput.

Tamatumani pineqarputtaaq uuliamik qillerivimmi qalipaaneq, pi-gaartuaneq isersinnaatitaanerlu, kallerup-inneratortunik ikkussukkanik aserfallatsaaliuineq, nerisassiornneq, uuliamik qillerivimmit/mut timmisartukkut umiarsuakkullu assartuineq, akuutissanik pilersuineq, kranersinnaaneq, teknikkikkut atortunik iluarsaaneq aserfallatsaaliinerlu assigisaanillu suliaqarneq.

Uuliasiorfiup ingerlanneqarneranut atatillugu sullissinermi isumaqatigiissutini arlalinni kalaallit pilersuisutut sullissisuusinnaapput.

Esbjergimi suliffeqarfissuaq, 5.000-it 10.000-illu akornnanni inuttaqartartoq, Nordsømi qallunaat uuliamik qalluiffiinut 40-t missaan-niittut sullissisarpog uuliasiorfimmilu ataatsimi sulisut 125-niit 250-it tikillugit sulisorineqarsinnaasarlutik.

Avatangiisit pillugit nalorninartut nalilersuinerillu

Uuliamik misissuinerup qalluinerulluunniit ingerlanneqarnerata nalaani annertuumik uuliamik maqisoortoqarnissaa ili-manaateqanngingajappoq. Ukiuni kingullerni 30-ni Nordsømi uuliamik qillerinerup nalaani uuliamik maqisoortoqarsimanngilaq.

Taamaakkaluartoq uuliamik maqisoortoqarnissaanut sillimaqqissaar-toqarpoq, ajutoortoqas-sagaluarpallu ajutoornerit killilersimaarneqas-sallutik. Upalungaarsi-maneq avatangiisinillu iller-suiniarneq aningaasatigut matussuserniarlugit uuliasioqatigiit aningaasa-tigut qularnavee-qusiissapput.

Uuliamik misissuinermi qal-luinermiluunniit mingut-sitsinermi saliineq **ingerlat-seqatigiiffiup akisussaaf-figissavaa,** taamaasiornerlu ingerlat-seqatigiiffimmi upalungaar-simanermut pilersaa-rutit malillugit ingerlanneqassal-luni. Taama pisoqassaaq apeqqutaatinnagu sumi mingutitsisoqarsimaneq, sinerissami imaaniluunniit saliisoqassagaluarpalluun-niit.

Avatangiisinut nalilersuiner-mut atatillugu pinngortitaq avatangiisillu qanoq sun-nerneqarsinnaanersut sun-niutillu qanoq pitsaaner-paamik killilersimaarn-eqarsinnaanersut nassuiar-luarneqassapput.

Namminersorlutik Oqartus-sat sinnerlugit Danmarks

Disko Westimi pilersaarusiorluak-kamik avatangiisit pillugit nalilii-neq

Pilersaarusiorluakkamik avatangiisit pillugit nalilii-neq 2005-ip 2007-llu akornanni ingerlanneqarpoq.

Sumiiffinni *sunniuteqaratarsinnaasut* ilimagineqartut *nalorninartullu* nalile-sorneqarput.

Perpalunneranit sunniutit:

Maligaasaliornikkut paasiniaanernit, immap naqqani qillerinernit qulimiguu-limmillu timmisartuussinernit perpa-lunnerit.

Taakkuupput aalisakkanik uumasunillu miluumasunik qimarratitsisinnaasut. Taamatut sunniineq annikitsuunissaa sivikitsuunissaalu naatsorsuutigineqar-poq.

Uuliamik maqisooratarsinnaaneq:

Tunngaviusumik misissuinermi misi-liummillu qillerinerup nalaani putup qillikkap aqunneqarnera annaaneqar-sinnaavoq. Ullutsinni uuliamik maqi-soorneq qaqutigooortorujussuuvoq, nalorninartoqartarporli, pingaartumik kalaallit imartaanni iluliaqaqisumi na-lorninartut piusinnaapput.

Miljøundersøgelse (DMU) avatangiisinik nakkutilliisuusaaq, taak-kuuppullu Kalaallit Nunaanni aatsitassarsiornerni avatangiisinik naliliisartut immikkullu ilisimasaqarfigalugu. Disko Westimi uuliasiornis-saq qalluinissarlugu *sioqqullugu* DMU **pilersaarusiorkkamik avatangiisit pillugit nalilersuivoq** (PAN). Sumiiffimmi uuliasiornerup kingunerisinnaasai pillugit pilersaarusiorkkamik avatangiisit pillugit nalilersorneqarput ilisimasassallu pisariaqartineqartut ilanngullugit erseqqissarneqarlutik. Avatangiisinut sunniuteqarneranik nalilersuineq

Uuliasioqatigiit qillerinnginnerminni qillerinerup **avatangiisinut sunniuteqarneranik nalilersueqqaassapput** (misissuineq ASN).

Sumiiffiup eqqaanni qillerinerup pinngortitaq avatangiisillu qanoq sunnissanerai nalilersuinerup erseqqissassavaa. Tamatuma saniatigut sunniinerit taakku anikillissarniarlugit qanoq iliornissamut piareersaammik naliliinermi allassimasoqassalluni. Qillerisoqarsinnaanerani aalajangiisoqannginnerani ingerlatseqatigiiffiup nalunaarusiaa ASN **tamanut tusarniaasutiginuqaassaaq**.

Uuliasioqatigiiffiup avatangiisit pillugit nalilersuineri DMU-mit, Pinngortitaleriffimmit Qaasuitsullu Kommuni- niani avatangiisinut immikkoortortaqqarfi- mmit misissorneqassapput, kisianni aamma tusarniaanermi **innuttaasut** kattuffiillu isummernisaminut periarfissaqassapput. Tusarniaanerit pissutigalugit ingerlatseqatigiiffik qillerinissaminut akuerineqarsinnaajumalluni pilersaarutiminik allanngortitsisariaqarsinnaavoq.

Tungaviusumik ingerlatsinermi avatangiisit

Ulluinnarni ingerlatsinermi avatangiisit eqqarsaatigalugit pingaarutillit pingasut

- Akuutissanik atuineq
- Imaanut mingutsitsinerit
- Qillerinermi immap iluani perpalutsitsineq

Qilleriffissat eqqaanni immap naqqani misissuinerit aallaavigalugit ilaatigut qillerinissat akuersissutigineqassapput.

Akuutissat tamarmik suussusersineqarlutillu akuerineqassapput. Akuutissanik avatangiisinut ajoqusiinnaasunik atuinissamut akuersisoqassanngilaq.

Qillerisoqarnerani perpalutsitisoqassaaq arfernut annerusumik sunniuteqartussamik. Sumiiffik isorartuallaanngitsoq taamatut eqqugaassaaq.



2010-mit misilittakkat

Aasiannit aallaaveqartumik imaani uuliasiorluni ingerlanneqartut an-
nertooujussuupput. Naatsorsuutigisamit najugaqavissut amerlanerit
sulisorineqarput pilersuisuullutillu, misissuillunilu ingerlanneqartut
Aasianni aningaasarsiornikkut iluaqutaapput. Ingammik Aasianni
umiarsualivimmi suliat amerlasimapput.

Tamatuma saniatigut 2010-mi ukioq naallugu sumiiffimmi suliffeqarfiit
suliffissuaqarfimmik kiffartuussinissaat pillugu suleqatigiilluartoqarsi-
malluni.

Tusarniaaneq

Qaasuitsup Kommuniata soqutiginnittut tamarmik tusarniaanerni pe-
qataalluartarnissaannik kajumissaarpai. Piffissami qillerivimmi siuller-
mi tusarniaanerit amerlasuutigut pitsaasumik sunniuteqarsimapput.

Inuiaqatigiittut nammassinnaasatut naliliineq

- Cairnip sumiiffimmi sulisunik atuinissamut inatsisitigut piunasaqaat qanoq paasisimaneraa kiisalu ingerlatseqatigiiffiup piunasaqaat qanoq piviusunngortissanera ersarluppoq. Cairnip IBA-mik isumaqatigiissusiornikkut erseqqissarsimavaa qanoq piunasaqaat piviusunngortissanerlugu.
- Kommunit erseqqissaapput nunami suliassat pillugit sumiiffimmi oqartussanik attuumassuteqartunik akuliutitsinissaq pingaaruteqartoq. Sumiiffinni oqartussat ingerlatseqatigiiffiillu akornanni attaveqatigiinneq pilersinneqarpoq.
- Kommunit erseqqissaatigaat innuttaasunik ataatsimiisitsinerni peqataasut suliniut pillugu apeqquteqarsinnaanerannut isummersinnaanerannullu piffissaqarnissaq tusarniaanermullu najoqqutassat misissornissaannut piffissaqarluarnissaq pingaaruteqartoq.

Avatangiisinut sunniuteqarneranik nalilersuineq

- Kommunit kajumissaarutigaat ASN-inik naalisaanerit inuinnarnut paasiuminarsarluarnerusariaqartut innuttaasut taakku paasissutissanik pingaarnertut aallerfigisarmatigit.
- Kommunit suliniummi eqqakkanik aqutsinermut pilersaarut ujartorpaat. Kingusinnerusukkut kommunit ilisimatuunit allakkanik nassinneqarput.
- Kommunit maluginiaqqaat maqisoortoqassagaluarpas uuliap sikullu akulerunnissaannut navianaat ASN-imut takorluuinertut ilanngunneqarnissaa pingaaruteqartoq.

Qaasuitsup Kommunia
Aatsitassarsiorneq pillugu saaffigisassat

Hans-Peder Christensen
Asbjørn Rosager

Telefon: 94 79 26 / 89 47 02

E-mail:

asr@qaasuitsup.gl / hach@qaasuitsup.gl

Postboks 1023

3952 Ilulissat

